



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nucleus Casuum Conscientiæ Sive Brevis Notitia Eorum
quæ scitu vel necessaria, vel valde vtilia sunt
Confessarijs in primo ingressu ad audiendas Confessiones**

Agostini, Giuseppe

Coloniae Agripp., 1644

De Odio.

urn:nbn:de:hbz:466:1-41767

priuarum odium in ipsum, licet non sit excommunicati, nec peccent contra iustitiam; peccant tamen contra Charitatem. *Suar. de censuris disp. 39 sect. 1. n. 7. &c.*

17 Possunt Christiani in trementibus Turcarum remigare, quando aliter subesset periculum vitæ propriæ, aut magni mali, dummodo id non faciant animo nocendi Christianis: quia illa actio ex se est indifferens, & euentus belli sunt incerti *Less. l. 2. de iust. cap. 9. dub. 17.* Similiter potest fœmina grauida sumere medicamenta necessaria ad tuendam vitam, ordinata ad salutem ipsius, licet per accidens sequatur abortus, non tamen per se ordinata ad abortum. At si mors matris esset necessaria ad certam salutem spirituales fœtus animati, alioqui damnandi; deberet pati mortem potius mater, non sumendo talia medicamenta propter salutem spirituales prolis. Sed id raro continget, & difficile certò prævideri potest.

De Odio.

18 **H**Oc etiã præcepto prohibetur
nō solum actus exterior occi-
dendi,

L 2

scandi,

dendi, sed etiam actus purè interior. Quare si quis desideret iniustum alterius homicidium, aut vulnerationē, &c. peccat iuxta quantitatem mali desiderati, & similiter, si delectetur in apprehensione talis mali. Et est peccatum duplex, contra iustitiam, & Charitatem proximi. Poterit tamen esse veniale, si sit ex imperfecta deliberatione, aut leui materia.

19 Si quis velit malum aliquod proximi, etiam si tale malum non sit contra iustitiam: ut si desideret mortem temporalem naturalem ipsius, aut morbum, aut amissionem bonorū, filiorum, uxoris, &c. si id faciat ex odio, quia scilicet displicet ipsi talis persona: aut ex ira quia vult vindictam ex illo sumere: aut ex invidia, quia bona illius apprehenduntur, ut diminuētia bona propria; peccatum erit contra Charitatem, iuxta quantitatem materiæ, & perfectæ deliberationis, ut paulò ante dictum est. Et idem dicendum est, cum quis verbo imprecatur alteri malum. At verò desiderare malum temporale alteri, propter maius eius bonum, siue temporale, siue spirituale.

Spirituale; licet, Similiter desiderare mala temporalia, & mortem inimicis Fidei, aut iniustis hostibus Reipublicæ; licet, propter bonum publicum: quia sunt iniusti aggressores, & persecutores. Item complacere sibi in aliquo bono, consequenter ad malū alterius; potest esse licitū; ut cum quis complacet sibi de hereditate conlecta ob mortē patris, vel fratris, nō tamen de eorum morte. Item complacere sibi de malo alterius, quia iuste illi fuit illatum, aut quia hæc fuit voluntas Dei; non est peccatum: sicuti odio habere malitiam, & vitia, & peccata alterius, non autem personam, non est malum. De odio lege *Filius tom. 2. tit. 28. c. 8. Bonac tom. 2. disp. 3. q. 4. qu. ult. Suar. de Fide tract. 3. disp. 6. sect. 2.*

De Scandalo.

20 **A**D hoc etiam præceptum reduci potest homicidium spirituale proximi: quando scilicet aliquis, vel verbo, vel facto inducit aliū ad peccandum: in quo consistit peccatum scandalum: est enim scandalum occasio ruinæ